

懷遠縣志卷之五

賜進士出身安徽鳳陽府懷遠縣知縣孫讓脩

兵防志

懷遠舊無營汛順治年間立壽春營副將分兵防守
縣設千總一員兵七十名在縣駐防縣南上窰縣西
龍亢二鎮各撥兵十五名防守康熙五十六年知縣
劉鑑以縣西湮得湖地方七十里空僻姦宄易生詳
準于中大廟十五里地添設一汛捐建營房四間撥
本汛兵四名分防

舊縣志

按今屬壽春總兵兵止六十四名

懷遠縣志卷之五

志

一

壽春鎮標右營左哨頭司千總一員駐縣轄兵六十
四名存城字識一名弓箭戰兵二名守兵十名鳥鎗
戰兵三名守兵七名

上窰汛營房六間外委千總一員駐防鳥鎗戰兵二
名守兵十二名

龍亢汛弓箭守兵二名鳥鎗守兵七名

大廟汛營房三間弓箭守兵二名鳥鎗守兵四名

上洪汛營房三間鳥鎗守兵六名哨船一隻

新城口汛營房三間鳥鎗守兵五名哨船一隻

陳家岡塘兵一名

俸餉 千總歲支俸銀十四兩九錢六分四釐八毫
薪銀三十三兩三分五釐二毫養廉銀一百二十兩
坐馬二匹每匹支銀十二兩六錢外委歲支養廉銀
十八兩又馬兵餉一分銀二十四兩米三石六斗步
戰兵七名每名每日應支餉銀五分米一升守兵五
十七名每名每日應支餉銀三分三釐三毫三絲三
忽米一升上半年應支兵米一百十五石二斗並外
委應支上半年兵米一石八斗共米一百十七石於
本縣倉內撥給下半年兵米隨餉折色每石折銀八
錢每兵一名應支半年折色銀一兩四錢四分並外

懷遠縣志卷之五

志
兵防

二

委應支下半年兵米折色銀共應支折色銀九十三
兩六錢俸薪養廉餉折色銀俱於布政司庫請領由
壽春營送鳳陽府庫貯放

軍裝 戰守兵內除字識一名陳家岡塘兵一名餘
俱操防凡弓箭戰守兵十六名每名原領鐵盔一頂
花甲一身號帽一頂腰刀一把自備夾號袍一件號
褂一件角弓一張步箭二把撒袋一副弓插一個餘
箭三十枝緞靴一雙鞦韆二雙套褲二雙搭包一個
皮箭桶一個烏鎗戰守兵四十六名每名原領鐵盔
一頂棉甲一身號帽一頂腰刀一把烏鎗一桿自備

單號袍一件號褂一件火藥三斤火繩三盤鉛子二百圓套褲二雙鞦鞋二雙搭包一個九龍袋一副藥桶十個藥別一個通條一根統用紅紬旗三面戰鼓一百面號令大鑼一百面

教場 舊在縣治西含暉門外蓮花池西萬歷年脩有亭三間歲久頃圯後改于荆山西麓舊縣志

東南倚山北界民田西界叢葬所東面七十弓西面七十六弓南面四十一弓北面四十弓

祭旗纛操演 每歲正月中旬擇吉日祭旗纛俗謂

喜前期一日有司預設棚帳旗幟羊豕諸祭品於教

懷遠縣志卷之五

志兵防

三

場以千總爲承祭官質明率各兵裝束至行兩跪六叩禮上香獻爵帛復位跪讀告文行兩跪六叩禮焚楮帛告文祭畢開操習箭打靶自開操之後每晨衆兵齊集箭道演習鎗箭三六九日齊集教場習箭打靶操至入伏止七月十五日復開操至冬至日止霜降祭旗纛神如正月之儀

縣設民壯掌搏捕盜賊每名工食銀六兩外加器具銀二兩舊設五十名裁存二十九名共給銀三百三十二兩今又裁存二十二名鳥鎗手十一名長鎗手十一名共給銀一百七十六兩於丁地銀內支給

額設哨船二隻一在渦河口一在新城口係由縣製
造移交營汛駕駛于渦淮兩河上下巡查定例三年
小脩五年大脩十年拆造小脩每隻需用工料銀四
兩四錢五分六釐大脩每隻需用工料銀八兩九錢
一分二釐拆造每隻需用工料銀十七兩八錢二分
四釐

乾隆二十八年四月奉准部文乾隆二十六年十
二月內欽奉

上諭向來各省於脩造船隻徒循大小脩及拆造例
限並不悉心查勘此皆故套相沿於公事視同膜

懷遠縣志卷之五

志 兵防

四

外着各督撫將軍等一體寔力查驗毋任稍有冒
濫致滋弊竇仍令每次具摺奏聞欽此嗣後戰船
站船仍當案題奏外其凡係例限應脩各項船隻
應請 勅下各該督撫每年先用委員逐一查勘
將寔在朽壞不堪駕駛及船身尙屬堅固堪以改
脩各緣由無論大小船隻俱於年終彙摺奏

聞

按縣境各河水道遼濶易于藏奸雖有哨船亦往
往有不能兼顧之勢現在洛河添設巡司而主簿
駐劄龍亢渦淮上游藉滋彈壓防維益密矣

驛傳

南官路赴府及壽潁孔道明嘉靖十年知縣王揆脩西官路通蒙亳大道自朝京門至西城門可二里明萬歷十年知縣設處磚石脩築後邑人梅永安捐貲

重脩

舊縣志

自郡城西行官大路通壽潁六安者自劉府十里至西泉山又西人懷遠界十里至考城又西二十里至上窰山路崎嶇明初路木由外窰而大橋之跨河者亦在外窰自明季高堰加脩淮水泛漲行旅不便乃改由東二里之上窰大橋亦移建於此

懷遠縣志卷之五

志 兵防

五

時窰河

即洛河

南岸舊有之廟宇村莊亦皆飄蕩無

存因此自上窰而西至新店集三十餘里內益加曠僻奸人劫掠商旅里人鄉飲大賓方信菴曾于上窰官路南十二里古鳳凰池之北岸捐貲建天齊廟一所因明初太僕寺曾於此也牧馬人又稱馬廠廟並招集蕩析離居之衆戶於此添築房舍兼議於本地添設里長老人約正約副呈縣行之三十餘里內始安然無

患方慄云

懷遠無驛東西南三路十四舖額設舖司十四名舖兵三十九名共五十三名歲給工食銀三百十八兩

六錢于丁地銀內支給

縣總舖一司舊在淮河兩岸因水患移縣署左 東

路公文自總舖分遞二十里交山香舖一司又二十

里交鳳陽縣徐家橋舖出境 南路公文自總舖分

遞十五里交馬頭城舖一司又十五里交蜀村舖一

兵又十五里交成子舖一司又二十里交檄澗舖一

兵又二十里交柳灘舖一司又二十里交鳳臺縣安

頭舖出境 西路公文自總舖分遞十里交十里舖

一司又十五里交招儀舖一司又二十里交何溜舖

一司又十五里交長生舖一司又十五里交龍亢舖

懷遠縣志卷之五 志 兵防 六

一司又十五里交寨頭舖一司又二十里交蒙城縣

彭家舖出境 鳳陽鳳臺公文過境自鳳陽縣遺碑

舖發遞二十里交縣之考城舖一司又十五里交成

子舖又二十里交檄澗舖又二十里交柳灘舖又二

十里交鳳臺縣安頭舖

馬遞公文江南通志云原設馬三四馬夫二名後裁

馬一匹夫一名雍正六年全裁今於馬快手工食內

歲撥銀七十二兩雇夫走遞東九十里至鳳陽縣南

百五十里至壽州鳳臺縣西百五十里至蒙城縣北

九十里至靈璧縣固鎮驛

舊縣志云懷遠昔在明初設有塗山柳灘二驛額設站銀二千四百九十二兩八錢零後因驛裁將站銀分協紅心大店夾溝王莊濠梁固鎮六驛將前銀原數歲解本府給發各驛至本縣原設里馬二十四匹歲該草料銀八百一十六兩嗣因縣治南路上窰考城新店地方往來上司經過隔遠不便應付馬匹協濟壽州代替銀一百四十兩鳳陽縣代替銀九十兩濠梁驛代替銀一百二十兩止存里馬一十四疋歲該草料銀四百六十六兩派給四十七疋里長捱甲輪養向以縣治偏僻輪蹄稀少里民應辦尙可支持至

懷遠縣志卷之五

志 兵防

七

國朝東路梗塞往來上司及各項齎奏差遣路由懷邑遂成孔道衝煩十倍于尋常而遞馬止仍于舊額以四百六十餘兩之銀數應往來不絕之差徭如順治四五年間歲費萬金而不足是以輪養里民蕩產傾家賣兒鬻女相繼逃亡幸六年間奉旨首嚴驛遞各照地方衝僻通融裁減馬歸官養此誠

朝廷第一仁政合邑士民慶切更生當卽奔控各憲情願樂輸軟擡豁此重累時知縣傅鎮國因集各

紳衿耆老里民公同商議以馬歸官養草料應差費用無資於本縣丁地額銀二萬三千餘兩內每兩酌派銀三錢仍令里長設櫃收貯隨收隨用各有攸司而是年水災僅得半徵里民免力支撐次年僅初派之半屢年因之續於康熙年間爲欽奉上諭事案內嚴禁私徵私派查前訂全書本縣走遞騾馬槓轎夫正閏共銀一千三十二兩零除荒實徵銀九百三十七兩丁地補荒銀九十五兩九分共合原額之數裁協大店驛工料今代解宿州裁扣銀四百一十四兩三錢又酌裁銀五百四十四

兩六分零俱分晰解司充餉餘銀八十六兩六錢八分除去本縣里馬不用設立官馬二疋每疋開給銀一十二兩馬夫一名每年草料工食支給前項銀兩每月按大小建扣解具文赴驛道支領年終造冊奏銷民生稱便夫縣境東抵鳳陽南至壽州西接蒙城以二馬一夫之力應各路分應之差每遇上差叢集四境僱覓猶恐遲悞自是在官有夫馬供給之繁在民無輪養供應之苦矣 又云懷遠舊設馬厰乃明初孳息之所原無錢糧共七處荆山厰在縣西八里塗山厰在縣東南六里南

山廠在縣南五十里瓦子岡廠在縣西北十五里
萬歷十年以種馬變價悉廢廠地遂清丈陞科入
冊與民爲業後於天啟年復徵田價每畝定銀二
錢各業主上官如數給有印券至今與民地一例
納稅永無分別矣

廩生林士傑校字

